



ՀԱՅԱՍՏԱՆՅԱՅՑ ԵԿԵՂԵՑՎՈՒ ԿԻՐԱԿՆՕՐՅԱ ԴՊՐՈՑՆԵՐԻ ՄԻՋԹԵՄԱԿԱՆ ՀԱՄԱԳՈՒՄԱՐԸ ՔԵՍԱՊՈՒՄ

«Երթալք յաշխարհ ամենայն
և քարոզեցէք զաւետարանն
ամենայն արարածոց»
(ՄԱՐԿ. ԺԶ, 15)

1. Երկու խոսք

Սույն թվականի օգոստոսի 28-ից սեպտեմբերի 4-ը Սիրիայի գեղատեսիլ անկյուններից մեկում՝ Քեսապում, Մեծի Տանն Կիլիկիո Կաթողիկոս Նորին Սուրբ Օծություն Ս. Տ. Արամ Առաջինի հովանավորությամբ և Բերիո թեմի առաջնորդ Գերաշնորհ Տ. Սուրեն արքեպիսկոպոս Գաթարոյանի նախագահությամբ, տեղի ունեցավ Հայաստանյայց Եկեղեցվո կիրակնօրյա դպրոցների ամենամյա միջթեմական խորհրդակցական համաժողովը՝ «Եկեղեցին և ընկերությունը» թեմայով:

Համագումարի աշխատանքներին, կիրակնօրյա դպրոցների վարիչ-տնօրենի նախաձեռնությամբ, այս անգամ իրենց մասնակցությունն էին բերել նաև Հայաստան աշխարհի կիրակնօրյա դպրոցների տասնմեկ ուսուցչուհիներ:

2. Յղագա ամենայնի փառք քեզ...

Հայոց հինավուրց հողն ինքնաթիռի պատուհանից առավել է փոքրացել, դարձել ափաշափ: Սիրտս էլ է փոքրանում, ցավից կուշ գալիս: Կրկին անգամ եմ համոզվում, որ աշխարհում ոչինչ այդքան քաղցր չէ, որքան նրա

մաքրամաքուր և լուրթ երկինքը, ծիծառների ծիծղուն ճովողյունը, հեռունե-
րից դեպ հայրենիք դալճող հայոց կոունկի մոխրոտ թևերի հոգնությունը...
Հագիվ եմ լոեցնում սրտիս ձայնը, որ ի լուր ամենքի չձայնի երկրիս ու ազ-
գիս անցյալի դժվարին, սակայն ապագայի լուսապսակով կերտվող մաք-
րամաքուր ու սրբալույս պատմությունը: Այս ամենը միայն խոհեմ են: Իսկ
ինքնաթիռը համառորեն հաղթահարում է տարածության ու ժամանակի ան-
համատեղելի երկվությունը՝ ի տար աշխարհ տանելով Հայաստանի կի-
րակնօրյա դպրոցների տասնմեկ ուսուցիչների: Նրանց, ովքեր հայոց սրբի-
յունքում մեկ առ մեկ թերթատելու են հարազատ պատմության յոթանասուն
տարիների ճերմակ էջերը, վեր են հանելու սեփական հավատքի վերագար-
թոնք ապրող ժողովրդի հոգու խանդավառությունը, մտքի վեհաթոնիչ սլաց-
քը, պայծառատեսությունը:

Սրտիս օվկիանոսում այլևս պերախություն չկա: Համատարած հան-
դարտություն է, քանզի հեռավոր Հալեպի օդանավակայանը խիստ անհրա-
պույր է և սառը: Օտարալեզու մարդկանց բազմության մեջ, ընկերներիս հետ
մեկտեղ, որոնում եմ հարազատ ու արտամոտ հնչյուններ, մտերմիկ ժպիտ-
ներ: Եվս մի քանի դժվարանցանելի վայրկյաններ, և տեղիս հայկական հա-
մայնքի ներկայացուցիչների ջերմ ժպիտներից, ասես, հօդս է ցնդում օտա-
րության զգացումը: Ուրախությունից ցնծացող սիրտս իր աղոթքն է հղում
առ Բարձրյալն Աստված՝ անընդմեջ կրկնելով. «Փառք Քեզ Աստված, փառք
Քեզ, յաղագս ամենայնի Տէր փառք Քեզ...»:

3. Ի տեղի հայտագրի

Ոլորապտույտ ճանապարհը Հայաստանի պատվիրակությանը, Հալեպի
կիրակնօրյա դպրոցների ուսուցիչ-ուսուցչուհիների հետ համատեղ, տանում
է դեպի անհամար անակնկալներով առլեցուն Քեսապ, որի գողտրիկ բնաշ-
խարհը հարազատ ելևէջներ է անթեղել ամեն մի հայաստանցու համար:
Ավելի շուտ այն մի փոքրիկ Հայաստան է՝ բնապատկերների նմանողու-
թյամբ: Թվում է, թե Հայոց երկրից մի պատառ հրաշքով պոկվել, եկել ու
մոլորվել է այս կողմերում:

Ահա և Քեսապը, ուր մեզ ջերմորեն և սիրով են դիմավորում Բերու-
թից եկած ուսուցիչ-ուսուցչուհիները:

Օգոստոսի 28-ն է, երկուշաբթի: Համագումարի պաշտոնական բացու-
մը տեղի է ունենում ժամը 18-ին, Սուրբ Աստվածածին եկեղեցում: Տերու-
նական աղոթքից հետո հնչում են Հանրապետական և Կիրակնօրյայի մաղ-
թերգերը: Այնուհետև բացման խոսք է ասում կիրակնօրյա դպրոցների վա-
րիչ-տնօրեն Հոգեշնորհ Տ. Մեպուն ծայրագույն վարդապետ Սարգսյանը:

Ողջույնի խոսք է ասում Բերիո հայոց թեմի առաջնորդ Գերաշնորհ Տ.
Սուրեն արքեպիսկոպոս Գաթարոյանը: Ընթերցվում են Նորին Սուրբ Օծու-
թյուն Տ. Տ. Գարեգին Առաջին Ամենայն Հայոց Կաթողիկոսի և Նորին
Սուրբ Օծություն Տ. Տ. Արամ Առաջին Մեծի Տանն Կիլիկիո Կաթողիկոսի՝
համագումարին ուղղված ողջույնի խոսքերը:

Այս և հետագա օրերին մասնակից ուսուցիչների համար Քեսապի Քրիս-
տոնեից ջանից ամառային կենտրոնում, ուր հյուրընկալվել էին նրանք,
դասախոսություններ են կարդում Հոգեշնորհ Տ. Մեպուն ծայրագույն վար-
դապետ Սարգսյանը, Հոգեշնորհ Տ. Մեղրիկ վարդապետ Բարիկյանը, Հո-
գեշնորհ Տ. Մաշտոց աբեղա Չոպանյանը, Արժանապատիվ Տ. Արամ

քահանա Գըլընճյանը, Բարեշնորհ Նուպար սարկավագ Պերպերյանը, Կիրակնօրյաների փոխվարիչ-տնօրենուհի տիկին Աստղիկ Մ. Թաշճյանը: Բոլոր այս դասախոսությունները, փոխկապակցված լինելով միմյանց, կազմում էին մեկ ամբողջություն և, ի վերջո, հանգեցնում մեր Տիրոջ՝ Հիսուս Քրիստոսի ճշմարտագույն պատասխանին. «Ես եմ ճանապարհն եւ ճշմարտութիւն եւ կեանք»:

Համաժողովի նախաՎերջին օրն առավել խորին խորհուրդ ունի, զի հավաքական խորհրդածությունն ու խոստովանանքը դեպի բարեգութ Աստծո դուռը տանող դժվարին, սակայն բաղձալի այն ճանապարհն է, որին ձգտում է յուրաքանչյուր ճշմարիտ քրիստոնյա:

Սեպտեմբերյան երրորդ օրն անմեկնելի է: Սուրբ Աստվածածին եկեղեցում մատուցվում է սուրբ և անմահ պատարագ, հընթացս որի մեր Տիրոջ՝ Հիսուս Քրիստոսի մարմնի և արյան հաղորդակիցներն են դառնում Կիրակնօրյայի մեծ ընտանիքի ներկա ուսուցիչները:

Հավարտ սուրբ պատարագի կատարվում է հոգեհանգստյան արարողություն՝ Կիրակնօրյաների հիմնադիր հանգուցյալ Հայրապետների և վարիչ-տնօրենների հոգիների խաղաղության համար:

Օրը վերջակետվում է խարույկահանդեսով:

Սեպտեմբերյան չորրորդ օրվա առավոտը ամենքի հիշողության մեջ այդպես էլ պիտի մնա որպես բարեկամության ու հրաժեշտի այգաբաց: Սըրտաբուխ խոսքերից հետո համաժողովի մասնակիցները, սեփական հուշերին ապավինած, մեկնում են այն հաստատ համոզումով, որ այս կերպ ոչ թե բաժանվում, այլ ընդհակառակը, է՛լ ավելի են մտերմանում բարեկամները, առավել ևս ազգիս զավակները, քանզի երկիր մոլորակի որ ծայրում էլ լինեն, միևնույնն է, յուրաքանչյուրի հոգու խորքում անպաշտան անթեղվելու է սիրո կրակը՝ փյունիկ թռչնի նման կրկին վերընձյուղվելու հաստատ համոզումով...

4. Մի՛ երկնչիք յայնցանէ, որ սպանանեն զմարմին եւ զոգի ոչ կարեն սպանանել...

Հրաժեշտը Հայոց հինավուրդ հողից ժամանած պատվիրակության համար դեռևս համաժողովի ավարտ չէ:

Հեռավոր ուղին նրանց տանում է դեպի պատմական Լավոդիկիե կամ Լաթաքիա:

Մեզանից ամեն մեկը յուրովի է նայում շրջապատին: Թվում է, թե ամենուր հայն իր հետքն է թողել, ավելի շուտ այն խարազանել է աշխարհի սրտին, որպեսզի մի օր մոխիրներից կրկին վեր հառնի հայի ոգին, մեկնի ձեռքը առ Ամենակարող Տերը՝ հայցելու միության և հավերժության նվիրական ցանկության իրականացումը:

Ահա և Լաթաքիայի Սուրբ Աստվածածին Եկեղեցին՝ հիմնված 1254 թվականին: Մեզ դիմավորում են հայկական գաղութի ներկայացուցիչները՝ Դանիել ավագ քահանա Գեորգյանի ղեկավարությամբ: Այստեղ, Առաջնորդարանի բակում, ինչպես Սփյուռքի բոլոր եկեղեցիներում, Հայոց Մեծ Եղեռնի խորհրդանիշ-հուշակոթողն է: Սրբոց Նահատակաց վարժարանի պատմությունը ևս նույնքան գեղեցիկ է ու ավանդական, որքան տեղի ամեն մի հայ ընտանիքին: Այո, 400 ընտանիք ունեցող համայնքի ճակա-

տագիրը հար և նման է ժողովրդիս ճակատագրին՝ աշխարհի ո՛ր ծայրում էլ ապրելիս լինի:

Կրկին ճանապարհն է մեզ ուղեկցողը, որ Հալեպ է տանում: Սպասվող անակնկալների մասին առայժմ խորհել չենք կարող:

* * *

Այսպես, աստղանիշերով եմ կամենում առանձնացնել հետագա ասելիքս: Ավելի շուտ, այն սրտի խոսք է, հոգու մրմունջ, ժամանակի հեքն ուսած հողվորի «Հորովել»-ն է և պանդուխտի «Կոունկ»-ը: Այն մի ողջ ժողովրդի քայլող բողոքն է ու անպարագրելի ցասումը:

Ես, որ ժողովրդիս պատմության փոքրիկ պատատիկն եմ ուսել, Հայոց Մեծ Եղեռն ասելիս դասագրքիս պատմություններն ու Ծիծեռնակաբերդի վեհ բարձունքին վեհորեն թիկնած հուշարձան-կոթողն եմ հիշել: Այն նաև Վեհափառ Հոր շուրթերից հնչող աղոթք-մրմունջն էր ինձ համար: Այսօր արդեն իմ հեքիաթը իրականության զգեստն է հագել: Անապատով ձգվող մայրուղին անհրապույր բնակավայրերով գնում է, գնում: Վաղուց սկիզբը չի երևում, իսկ վախճան կարծես թե չկա: Մղձավանջ հիշեցնող արթմնի մի երազ է այն: Սա էլ Տեր Զոր բնակավայրն է: Ահա և Սրբոց Նահատակաց եկեղեցահամալիրը: Մեզ դիմավորում են սիրով, ասես մի փոքր էլ զարմացած: Առաջին հայացքից ուշադրություն են գրավում շրջապատի խորհրդավորությունը, դեռևս մութից սկսվող, պատերին փորագրված, ավետարանական սրբալույս տողերը, ամենուր ծվարած անմեկնելի լուսությունը..., որ մեջընդմեջ խախտում են այցելուները: Մեզ հյուրընկալում է այդտեղ գտնվող Հալեպ քաղաքի Սուրբ Գևորգ եկեղեցու հոգևոր հովիվ Արժանապատիվ Տ. Նարեկ քահանա Զերենցյանը:

Մեր փոքրիկ խումբը խորին ակնածանքով ու երկյուղով է մտնում եկեղեցի: Տեր Աստված, ներիր տողերիս անաբժան ու նվաստ հեղինակին, որ այսօր, անմեկնելի ու անթաքույց մի զգացում հոգում անթեղած, ընկերներիս հետ վար եմ իջնում այս ոլորապտույտ աստիճաններով: Այս ի՞նչ է, Տե՛ր: Գուցե դեռ չեմ արթնացել: Ավելի ճիշտ այս երազը տեսնում եմ բաց աչքերով: Ա՛խ, աստ ի տես ողջ աշխարհի հանգչող այս ոսկորները, Ավետարանի թերթերից քաղված և պատերին խաղաղ նիրհող այս տողերը, այս լուսանկարներն ու գաղտնի փաստաթղթերը, համատորեն մեզ չենթարկվող արցունքի այս բարակ վտակները... չէ՛, բառերս աղքատ-աղքատ են, հոգիս՝ քարացած մի ժայռաբեկոր: Միայն «Տեր ողորմյա»-ի հոգեպարար հնչյուններն ու Պահպանիչի խոսքերն են դուզն-ինչ սթափեցնում մեզ:

Հոգեցունց ապրումները շարունակաբար ուղեկցում են ինձ: Հոգուս աչքերով կարծես տեսնում եմ հերկի մեջ հատիկի փոխարեն ընկնող հողվորին, որդու եղերական մահվանն ականատես մոր խելակորույս շարժումները, հոգու ցավից դեպ Աստված ձեռքերը վեր կարկառած մամիկին...

Ամենացնցողը դեռ չենք վերապրել: Ահա և Մարգարեի նոր-նոր կառուցվող Սուրբ Հարություն մատուռը: Քիչ այն կողմ բլրալանջի հողը ինչ-որ մեկի ձեռքով ճեղքվել է, բաժանվել երկու մասի, ինչպես ժամանակին իմ ժողովրդի սիրտը ճեղքեցին անողորմաբար: Մեզանից յուրաքանչյուրը հայացքով ինչ-որ բան է որոնում: Խոնարհվում ենք մի փոքր: Ո՛վ զարմանք... (բայց գուցե ամենևին էլ զարմանք չի կարելի կոչել այն զգացու-

մը, որ մենք ունեցանք): Այս պահը երբեք-երբեք չեմ պատկերացրել: Ահա, հողաշերտի տակ, աշքերիս առջև ոսկորներ են, ազգիս անմեղ զոհերի, ավելի շուտ մանկանց ոսկորներ: Գոնե ես ալևս ոչ մի բան չեմ գտնում՝ արտահայտելու կամ թե նկարագրելու տեսածս: Ակամա աշքերս դեպի Տե-րը դարձնելով և ափիս մեջ ամուր սեղմելով հողախառը ոսկորները՝ ակա-մա մրմնջում եմ իմ նորօրյա աղոթքը. «Տե՛ր, եթե աշխարհն անգամ համ-րացել է, ապա ոչ թե դժկամությունից, այլ նրա սիրտը ևս քարացել է ան-պատմելի դաժանությունից, լեզուն քիմքին կպել: Իմ ժողովրդին միայն Բարձրյալիդ բարեհաճությունն է անհրաժեշտ: Այնպես արա, որ փյունիկի նման մոխիրներից կրկին վեր հառնած ազգիս համար փառահեղ պատմու-թյունների նոր էջեր գրվեն, դարձրու նրան Քո ընտրյալ ժողովուրդը, զի նրանցից ոչ ոք չերկնչեց, երբ սպանում էին իրենց մարմնապես, սակայն անկարող էին մեռցնել հոգին...»:

5. Եղիցին կամք քո...

Մեր փոքրիկ խմբի ճամփորդությունը դեռ շարունակվում է: Հիմա ար-դեն պատմական Գամիշլիում ենք, ուրը պատմական Մծբինի մի մասն է: Մեզ ջերմորեն են հյուրընկալում Ծեզիրեի առաջնորդական փոխանորդ Գերա-շնորհ Տ. Կոմիտաս եպիսկոպոս Օհանյանը, հայկական համայնքի ներկա-յացուցիչները: Ազգային Եփրատ վարժարանում ևս մեզ դիմավորում են ջեր-մորեն:

Օրը կիրակի է: Մեր վերջին օրը Հալեպում: Սուրբ Աստվածածին եկե-ղեցում մատուցվող սուրբ և անմահ պատարագից հետո, մենք արդեն Սըր-բոց Քառասնից Մանկանց եկեղեցում ենք: Առաջնորդարանում մեզ դիմա-վորում է Բերիո թեմի առաջնորդական փոխանորդ Գերաշնորհ Տ. Սուրեն արքեպիսկոպոս Գաթարոյանը, փոխանցում իր հայրական պատգամները:

Օրը հուշիկ երեկոյանում է: Վաղը մենք տուն կվերադառնանք: Իսկ մինչ այդ, մեզանից ամեն մեկը հաստատ համոզված եմ, որ մտովի իր սրտի ձայնն է ուղղելու առ Աստված՝ այս անկրկնելի հնարավորության հա-մար: Ես էլ, նրանց նման, փորձում եմ մեկնելուց առաջ ի մի բերել տեսածս ու ապրածս: Թերևս վաղն առանց հրաժեշտի արցունքների չենք բաժանվի: Հոգ չէ: Այս հրաժեշտը ավելի խորհրդավոր է՝ նման անմեկնելի երազի, որ թերևս պիտի շարունակվի երկար, մինչ հաջորդ համագումար, երբ կրկին միմյանց կգտնեն հեռավոր բարեկամները, թե Տերը կամենա: Ուստի, ո՛վ Աստված, այնպես արա, որ մեզանից յուրաքանչյուրը կարողանա իր աստ-վածաւեր վարքով և անասան հավատով քայլել ալն նեղ ու անձուկ ճա-նապարհով, որ դեպի փրկություն է տանում: Թող մեզանից յուրաքանչյուրի հոգում ընկած Քո սիրո հատիկը ծլարձակի և պողաբերի մեկին հիսուն, մեկին՝ վաթսուն, և մեկին՝ հարյուր, և մշտապես ու ամենուր եղիցին կամք Քո, ամեն...:

ՄԱՐԻԱՄ ՎԱՐԴԱՆՅԱՆ

Ա. Գրիգոր Լուսավորիչ

կիրակնօրյա դպրոցի ուսուցչուհի